

DISCOVER

(Bible Ralchhan)

Zirlai - 23
Hremhmun Hi Eng Nge A Niha
Khawiah Nge A Awm?

Kum 1976, July thla khan Gary Gilmore-a chu gas dahna hmunah kalin chuta thawk pakhat, Brigham. Young University-a zirlai chu a kaphlum a, a tukah chuan,

motor kawng hrula Hotela thawk la tleirawl tak chu silaia vau in pawisa a dil a. Chu mi zawh chuan Gilmore-a chuan a pawisa chhuhsak pa chu a thingthit tîr a, a tukkhumah chuan a kaphlum ta a.

America mipui chuan he mihring hi a tualthahnate avânga thi tlâk hliah hliahah an ngai vek a. Utah State-a rorêtuin kahhlum tûra a chungthu a han rêl chuan a ram pum chu an inhnial ta luai luai mai si a ni. An ram rorêlna sâng berin a lo rêl angin kum sâwm chuang chu Amercaah hian tumah thi khawpa hrem an lo awm ngai tawh lova. Electric-a in tihhlumna thutphah leh a inte chu hman lohvin rei tak an lo awm tawh a, chutia han hman leh mai theihna chuan mi tam tak a ti buai a ni.

Nunna chhantu, dân hre mite chuan Gilmore-a chuan thih a duh thu a sawi chungin a hremna chu suttîr tumin theih tawpin an bei a. Mi tam takin thi khawpa hremna chu na lutuk leh ringlo mite tihâwm lek nia puhin an do dal a. Thenkhat erawh chuan a thatzia leh mi tupawh tual that mai mai duh a dal theih tûr thute chu an au pui ve a. Thenkhat chuan Utah State tân in a an vêngtu telephone a biain a kaphlumtu zînga tel ve an duh thu an hrilh ve thung a. Chutichuan an in hnial tawn ta luai luai mai a ni.

Sorkâr tân chuan Gary Gilmore-a tihhlum chu a thiang em? chhandam/ngaihdam theih tawh loh a ni em ni? Engber chu nge thil tisual hremna râpthlâk ber chu? Mi thenkhat chuan dam dawia in chiu hlum mai hi na lo berah an ngai a. Thenkhat erawh chuan hruia inkhai hlum hi a rang berin an ring thung.

Hêng an inhnialna zawng zawngah leh thi khawpa hremna an ngaihdânah hian, duhthlan theih tuman an ngaihtuah chhuah loh a awm a ni. Tumahin Gilmore a hi

sawisak hlum an rawt miah lo. Reitak aţang tawh khân misual a ni, rawng takin mi pahnih a tihlum, natna beidawn thlâk tak a nei niin a lang. Chutichung chuan, thihna khawpa hrem duhtu zîngah khân tumahin a سوالنا chu sawi sak hluma tlâk tîr tura rawttu an awm miah lo. Entirnan: tumahin zawi zawia tih hlum pawh an rawt lo.

Kristian rinawm tam takte chuan vana kan Pa chuan chu aia nasa tak chu a tiin an ring. An سوال mante tlak nan, misualte chu sawisak an ni tur a ni an ti bawk. Chu mai pawh chu a la ni lo, chung mite chu tawpintai nei lova Pathianin a sawisakna hmun tur pawh an suangtuah bawk a ni.

Hrem hmunah chuan misualte chungah engnge thleng? Engtingge an tawpna tur leh Pathian hmangaihna leh dikna chu a in rem dan tur? Hengte hi engtin nge Bible in a chhan i lo zir teh ang?

1. ISUA RILRUNĀ TĀWPNA

Kum 6,000 chhûng ngawt chu Pathian chuan mite chu ama lam hawia سوال lak ata chhandam ni tûrin a sâwm a. He sâwmna thu hi zâwlnei Ezekiel a chuan heti hian a sawi a.

“A nuna ka nun chhung chu, mi suaksual thihnaah hian lâwmna reng ka nei lova, mi suaksualin a awmdân a kal san a, a nun hi ka lâwm zâwng a ni zâwk.” — Ezekiel 33:11

He leia rawng a bâwl chhûng khân Isua pawhin he ngenna hi a chhun zawm a ni.

Nangni thawk rim leh (sual avânga) phurrit phur zawng zawng te u, ka hnênah lo kal ula, keiman ka chawlh tîr ang che u.” —Matthaia 28:11.

Isuan Kraws-a, “Ka Pa, anni hi ngaidam rawh; an thiltih hi an hre lo a nih hi,” tia a au khân a rilru natzia a tilang Chiang êm êm a ni. (Luka 23:34) Tin, Ka Pathian, ka Pathian, engah nge mi kal san?” tia auvin a rawn belhchhah leh a nih kha (Mat 27:46) Chuta tanga reiloteah chuan Isua chuan a Thlarau a thlah ta a, rilrunân a thi ta a ni (Joh 19:30,34). Kraws hian suala thi tawh, mihringte chhanchhuah a duh zia a tilang a ni.

Pathian hmangaihna ropui tak chu heti taka tihlan a ni chung hian, mi tam tak chu Krista lamah an kîr dâwn chuang lo va, chutianga sual pawm lui tlatte chu atâwpah meia tihboralin an awm dâwn a ni. An tân pawha a thihsak ve site meiin a kang vêl tûr a hmuh chuan Isua rilru chu a na êm êm dâwn a ni.

“Mi thenkhatin muanga kan ruat angin Lalpa chu a thutiam kawngah chuan a muang lo va; tuma boral duh lova, mi zawng zawng lo sim duhin nangmahni lamah a dawhthei a ni zâwk e.” 2 Petera 3:9.

Isua chuan mi zawng zawng chhandama awm tûr leh sualin a tihbawlhhlawh mi tih chhiat tum tûr chu pumpeh tûrin a duh a ni.

“Lalpa nî chu rûkru angin a lo thleng ngei ang, chumi nîah chuan vânte chu nasa taka riin a boral ang a, thilbulte chu meia emralin a awm tawh ang a, lei leh a chhûnga hnathawh awmte chu a kang ral ang... Nimahsela a thutiam ang chuan vân tharte leh leithar, a chhûnga felna awmte chu kan beisei a ni.” 2 Petera 3:10,13.

“Sualna chuan he leia ro a rêl chhûng chuan mihringte manganna chu a zual zêl ang. Chuvângin sualna chu tihmang a tûl a ni. Miten an sualna chu bânsan an hreh chuan, sualna nêh chuan “Meidilah tihboralin an

awm ang.” (Thupuan 20:14-15). Krista rilrunâ hnunung ber chu he khawvêl hi soal ațanga a tlenfai a, سوالنا chu a tihbora a, chhandam duh êm êm an tâna thih sak, سوال la bêltu zawng zawngte chu a tihbora hunah a ni ang.

2. HREHMUN CHU KHAWIAH NGE A AWM A, ENGTIKAH NGE A ALH ANG?

Mi tam takte rindân lo ang takin, khawilaiah emaw misualte an thiha, an kalna, meia kang, hremhmun tia vuah theih tunah hian Pathianin a nei lo. He lei hi meidila a chan hunah chauh hremhmun(meidil) chu a awm dâwn a ni. (2 Pet 3:9-13). Misualte hi an thih veleh hremhmunah an kal mai lo. Kum 1000 ral hunah Pathian chuan an lâwmmman (hremna) chu a pe chauh dâwn a ni. (Thup 20:9-15 chhiar teh).

“Lalpa chuan amah ngaihsaktute chu thlêmna ata chhanchhuah dân leh fellote chu rorêl huna hrem atân khêk dân a hria.” 2 Petera 2:9 (NIV).

Chutiang bawk chuan kan lei pawh hi meia kan faitîr tûrin a khêk a ni.

“Nimahsela tûnah vânte leh lei awmte (emaw, nimahsela vânte leh lei tuna awmte) hi chu mi thu vek chuan Pathian ngaihsaklo mite rorêl leh boral nî atâna dahin hal tûra khêk a ni.” 2 Petera 3:7.

Pathian chuan hremhmun meia intibora tûrin tumah a ruat lo. Chutichung chuan mi chuan Setana chu a thlah duh tlat lova soal chu a râwn chhûng chuan, a duh thlan tâwpna chu a dawng tûr a ni.

Chumi zawhah chuan, a veilama mite hnûnah pawh chuan, ânchhe dawngtute u, kumkhaw mei Diabola leh a tirhkohte tân an buatsaihah chuan

mi kalsan rawh u,” a ti ang.” Matthaia 25:41.

Isua sawi ang hian engtikah nge hremhmun chu a lo alh ang?

“Buh seng chu khawvêl tâwpna tûr a ni; buh âttute chu vântirhkohte an ni. Chutichuan buhlemte chu an la khâwm a, meiin an hal ang hian khawvêl tâwpnaah chuan a la awm ang. Mihring Fapa hian a vântirhkohte chu a tîrchhuak ang a, a ram ata tihsual tirtute leh thil tisualtu zawng zawngte chu an thiar chhuak ang a, rawh tuina meiah chuan an paih ang; chutah chuan ãah leh hañhial chu a awm ang. Chumi hunah chuan mifelte chu an pa ramah chuan nî angin an êng tawh ang. Beng nei chuan hre rawh se.” Matthaia 13:39-43.

Hnimte, thilsual titute chu, khawvêl tâwp hma loh chuan hâl an la ni lo. Hâl an nihna tûr thu hi a chhuah hmain, lei leh vîn pumpui hi Pathian chu Mihringte chung a thiltih dânah hian a dik tâwk a ni tih hriattîr a ni ang. In hnialna ropui Krista leh Setana inkâra kal zêlah hian Setana chuan lei leh vîn hmaah chuan sual kal kawng hi kawng ãa zâwk ni a lantîr a tum a. Krista erawh chuan thuawihna hi nunna thlan tlâk hmuhna kal kawng a nih zia a lantîr thung a ni. He entîrna hi Setana leh a vântirhkohte leh misualte khawvêl tâwp a an chungchâng rêl a nih hunah a tawp ang. Kum 1000 tâwpa, vântirhkohten he khawvêl awm chhûnga mi tinin a thiltih ziaakna te an tih lan hunah chuan, Pathian chuan Setana te thihna te leh hremhmun te chu nunna bua an hming chuang lo apiangte nêh chuan meidilah a paih dân a ni.” (Thup 20:15).

Kan chhiar leh tûr, Thupuan 21:1 a kan hmuh angin Pathianin lei chu sual ațanga mei hmanga tihfai hunah, vântar leh lei thar a siam ta a ni.

3. HREHMUN MEI KANG CHU ENGTIA REI NGE NI ANG?

Ringtu tamtak te hian hremhmun mei chu chatuana kang tûr leh misualte chu chatuana kang tûrin an ngai thîn a. (Jonathanan hremhmun lem a ziak chu entîr nân i lo thlîr teh ang).

“Hremhmun chu tuna hmun pakhat Pathian Engkimtithēia'n nangmah hmanga meialh chu chatuana a chhēmalthna chu a ni. Zahngaihna dila auvin i vânduaina kawl (chain) te chu i tiri vêl a, mahse Pathian chu chawhtitak, nghet tak leh phuba la takin a lalthutphahah chuan a thû a. A hmui chu chîpin, misualte tuar lai chu nuam ti takin a ngawihsan a,” tiin.

Tun lai hian ringtu tlêmtê chauhvin he Pathian thinurna râpthlâk tak entîrna hi an lâwm hle a. Amaherawh chu mi tam tak chuan chatuan atâna hremhmun hi an pawm zâwka chu chu Bible zirtîr dân nia an lo hrih thîn vâng a ni. Pathianin suauna leh misualte chungchâng a sawina Bible chângte hi ngun takin i lo en teh ang.

“Pathian hrelote leh kan Lalpa Isua chanchin Th̄a awihlote chu a hrem ang. Chatuana boralna chuan hrem an ni ang a, Lalpa hmêl leh a lalna thiltihtheihna aṭang chuan tihboin an awm ang. 2 Thessalonika 1:8,9 (NIV)

Chatuana boralna hi chatuana hremna a ni lo tih hre hmasa phawt ila. Chatuan atâna tihboralna leh chatuan atân thihna tihna mai a ni. Chatuan atâna tihboralna chuan chatuana thihna a thlen a ni. Isua ngeiin hrem hmun chungchâng a sawi hi i lo thlîr teh ang.

“Tin, taksa tihluma Thlarau tihlum theilote chu hlau suh ula; Gehena a thlarau leh taksa tiboral theitu

erawh chu hlau zâwk ang che u.” Mat 10:28

Isua min hrilh dân chuan thlarau leh taksa chu tihhluma hremhmuna tihboral an ni. Tlâng chung a thusawiah chuan khawvêl tâwp huna mihringte chan tûr chungchâng a sawi a. Nunna kawng chu a zim thu a sawi a, amaherawh chu boralna kawng chu a zauva, chuta kal pawh an tam a ni. (Mat 7:13,14).

Bible-a châng lar ber, Johana 3:16-ah chuan Pathian chuan a fapa mal neih chhun a pêk thu leh amah chu tupawh a ring apiang an boral lohva chatuana nunna an neih zâwkna tûr thu Isuan a sawi a. Hetah hian chatuana a nunna leh chatuana boralna an awm dun a ni.

Hêng châng aţangte hian hremhmun chu misualte boralna tûr a ni tih kan hria. Pathian Lehkha thuin chiang taka min hrilh fo chu, “Mi suaksualte chu tihboralin an awm ang,” Sâm 37:28 tih leh “An boral ang” 2 Petera 2:12 (NIV), “Meikhûah an zam ral ang.” (Sâm 37:20). “Mi zing ata tihboral daih an ni ang,” (Tirh 3:23) tihte hi an ni.

Tirhkoh Petera pawhin rorêlna nê leh Pathian ngaihsaklo mite tihboral an nih tûr thu min hrilh a ni. (2 Petera 3:7). Tirhkoh Paula pawhin Krista hmêlmate tâwpna chu “Boralna a ni,” tiin a sawi a ni. (Philippi 3:19) Mithiamte chuan “tihboral” hi Greek ţawng aţanga lehlin a ni a, a awmzia chu a zungzam nê lama boralna hi an sawi uarna ber a nih thu min hrilh. Hremna tâwpna tûr, meidil hi hrem chung a sual zuah rengna tûr ni lova leia sual thenfaina tûr a ni. Isua Krista, Jerusalem chung a hremna lo thleng tûr khawngaiha ţahtu, leh amah ngei pawh ti hlumtute (tâna ţawngţaina) ngaidamtu khân mi sualte natuara an leh mangang chu chatuanin an hmu

duh dâwn em ni? Bible chuan hremhmun hian reh hun a neih thu chiang takin a sawi a ni.

“Ngai teh u, nî chu a lo thleng e, rawhtuina mei angin a kang a ni; mi chapo zawng zawngte leh soal titu zawnhg zawngte chu buh pâwl an ni ang: chu nî lo thleng chuan anmahni a kang ang.”
Malakia 4:1,2.

(Ngai teh u, ni chu a lo thleng e, rawhtuina mei anga kang chu; mi chapo zawng zawngte leh soal tak titu zawng zawngte chu buhpâwl an ni ang. chu nî lo thleng chuan an mahni chu a kangral ang, sipaihote LALPA chuan a ti, a zung leh zâr chenin a zuah lovang” ti ila a chiang zâwk ang.

Misualte chu chatuanin meiin a kang dâwn lo. Meichuan a kangvap vek zâwk ang a, chatuanin Pathian nêan an inthen dâwn a ni. “Soal man chu thihna a ni a (Rom 6:23) chatuana hremhmuna hrem chung a nun rengna a ni lo.

Kum 1000 hun tâwpa, misual tinrêng, Setana fuih pawrha Pathian hneh tum leh Jerusalem lak tumin a tâwpa atân an bei dâwn a. (Thupuan 20:7-10) Chutih hunah chuan Pathian chuan vân ațangin mei chu a rawn sûtîr anga chu chuan Setana, suauna leh an soal sim duhlotute chu a tibo dâwn a ni.

“Tin, vân ațangin mei a lo tla a, anni chu a kang ral ta a.” Thup 20:9. Mițhenkhat chuan Marka 9:48 a, “An lung thih ngai lohna leh mei mih ngai lohna” tih hi englai pawha mei chu alh leh englai pawha kang a chhia leh țha hriatna lung chuan chatuana tuar tûra entîrah an ngai a ni. Marka ziaka Isua thusawi hi Isiaia 66:24 ațanga lakchhuah a ni a. Isiaia chuan an lungte chuan tisa chu ei mur mura mei chuan an taksa chu kang ral anga

ngaihruatna râpthlâkin a entîr a. A tum tak chu ral hlenna hlauh hi a ni. An lungte leh meite chu an tih tûr tihzawh a engmah awm lova an hnuchhiah hma loh chuan an thiin an mit lo a ni. Isua sawi dân chuan an thiin an mit lo a ni. Isua sawi dân chuan he mei hi mit thei lo an ni. (Mat 3:12) A vaia a tihral hma loh chuan tih mih theih a ni lova, kangmei ðhelhtu pâwl pawhin an ti mit lo vang.

Pathian chuan he kangfaitu mei zawhah hian lei thar, tihthianghlim chu a awm tawh anga, chu chu Tlante In a ni ang tiin a sawi zâwk a ni.

“Tun hma mangannate chu theihngilha a awm tâk avâng leh ka mit laka thupa a awm tak avângin Ngai teh u, vâñ thar leh lei thar ka siam a nih hi; tun hmaa thilte chu hriat rengin a awm tawh lovang a, rilruah pawh alut tawh hek lovang... Jerusalem chungah chuan ka hlim anga, ka mite chungah pawh ka lawm ang; a chhûngah chuan ðap thâwm chu hriat a ni tawh lo vang a, chiau thâwm pawh hriat a ni tawh lo vang.” Isaia 65:16-19.

Chu nî chu ava ropui dâwn em! Rilru natna thlentu zawng zawng chu an bo vek tawh dâwn si a. Pathian chuan mitin thinlunga sualin a hliamna chu a tireh vek dâwn a, thil hluite chu hriat reng an ni tawh lovang a, tin, rilruah pawh an lang leh ngai tawh hek lo vang. Kan hlimna chu a famkim tawh anga, Isua thinlung pawh a mite chungah nasa zâwkin a lâwm tawh ang.

4. PATHIAN LEHKHA THUA “CHATUAN” TIH HI

Mi ðhenkhatten hremhmun mei hi chatuana alh nia an ngaihna chhan i lo chhui teh ang. Ringtu tam takte

hian chatuana inhrem hi a rãpthlãk lutukin an hria a, nimahsela Pathian Thua chãng ðhenkhatte hrilhfiah an nih dân aţangin a ngaihna tak an hre si lo.

Matthaia 25:46-a Isuan kumkhaw hremna tia a sawi chu tâwp lova kang reng ni lova chatuana boralna a nih zãwk thu kan hmu tawh a (Thessalonika 1:9) chu hremna leh a khawih chu chatuan daih a ni tak meuh mai Chatuana boralna a nih avãngin.

Mi ðhenkhatte ti buai lehtu chu Matthaia 25:41-a “Kumkhaw mei, Diabola leh a tirhkohte tâna buatsaih” tia Isua sawi hi a ni. Heta kumkhaw mei tih hian hremhmun chu chatuana awm tih a kaw k lo em ni? Hemi thu vek hi chãng dang aţangin i lo enfiah teh ang.

Juda 7 hi Sodom leh Gomorate hremna kha kumkhaw meia hrem tũrte entĩrna a pe a, Chiangtakin vawiin hian he khua pahnihte hi an kang tawh miah lo tih kan hmu a ni. Chuvãng chuan he hremna mei hi kumkhaw daih tihna zãwk a ni, a chhan chu kha chhiatna (hremna) khan kumkhua a daih avãngin, 2 Petera 2:6 hian Chatuan Pathian chuan, “Sodom leh Gomorra khuate chu amah ngaihsaklo, lo la awm tũrte entĩrnaah a hmang a, (vuta chantĩra tihboralin thiam loh a chantĩr ta a),” tiin min hrilh a ni. Sodom leh Gommora khuaa Pathian ngaihsaklo mite chu vawiin ni hian Ram Thianghlimah mangang leh thlabarin an awm tawh lo. Chung khuate leh a chhũnga mite chu hmanah meivapah an chang zo tawh a, hmuh tũr an awm tawh lo. Amaherawh chu an mahni kangtu mei kha kumkhaw mei a ni. A kan ralna kha kumkhuaa chhiat hlenna a nih avãngin. He thil pahnihte danglamna (in an lohna) hi chhinchhiah teh : Kumkhua chu hremna kumkhaw (chatuan) daih a ni a, kumkhuaa hrem reng tihna a ni lo.

Thupuan hian entîrna ɽawngkam Chiang êm êm a hmang nain ɽhenkhat laite hi hriatsual an ni fo. Entîrnan, Bung 14:11 chuan boralte chungchâng sawiin, “Chung mite nghaisakna meikhû chu chatuanin a chho vang,” tiin a sawi a. Hei hian hremna chu chatuana kal zêl tûr a ti a ang reng a ni. Chuvângin châng dang aɽangin i lo hrilhfiâh dâwn teh ang.

Zâwlnei Isaia chuan Pathianin Edom khuua misualte chungchâng a rêl thu a sawinaah he thu tho hi a hmang a.

“A ram chu lawng hnai kang hluah hluahah a chang ang. Achhun azânin tihmihin a awm lovang a; a meikhu chu kumkhuain a chho ngut ngut ang a. Chatuan awm chhûng zawng zawng chuan chhiain a awm reng ang a; kumkhua pawhin tuman an pal lovang,” a ti a. Mahse tunah hian Edom ram chu a kang tawh lo. A kangtu mei mihna pawh rei tak a ni tawh. Hetah hian Pathian chuan a hremna tûr mumal ziate, a chhiat hnehzia te sawi uar nân hla thu a hmang a ni. King Jmaes Version, Exodus 21:6-ah chuan, “Tin, a puin (chhiahhlawh) beng chu thîrzumin vit sela; tichuan kumkhuain a rawng a bâwl tawh ang,” a ti a. Hetah pawh hian kumkhua chu chhiahhlawh dam chhûng tihna a ni. Chuvângin NIV chuan kumkhuain tih chu damchhûng tiin a sawi ta a ni. Tin, Jona nghapui pum chhûnga nithum leh zanthum awm chu (Mat 12:40) “Chutah chuan kukhuain a awm,” tiin a sawi a ni (Jona 2:6). Thim hnuai ni thum chu kumkhua em zawng niin a lang lo. Chuvângin Pathian Thu chuan engtin nge leh eng hunah nge hla thu taka aiawh neite hi a hman ɽhin tih hi hrethiam tûra kan fimkhur a ɽul hle. Meidil aɽanga meikhu chatuana vâna chho chu kumkhua atâna tihboralna tichiang tûra hman a ni. Thupuan 21:8

chuan, Meidil, mei leh kata kang chu ‘thihhnhna a ni’
chiang takin a ti a. Hremhmun chuan tâwp hun a nei.
Misualte chu tihboralin an awm a; an thi a; an ral a,
tihchhiatin an awm.

5. ENGVANGIN NGE HREMHMUN CHU A AWM RENG RENG A?

Atirin Pathian chuan khawvêl ðha famkim a siam
a. Mahse سوالنا a lo chhuak a chu chuan vânduaina te,
chhiatna te leh thihna te a rawn thlen ta a ni. Tlaikhat ina
i lo haw a, i in chu a n lo rawk a an lo tihchhiat vek i
hmuh chuan, engtin mah ti lovin kumkhuain i dah dâwn
em ni? Teuh lo mai. Thil kehnawi leh bawlhhlawhte chu
i phiat fai anga, a puma tifaiin a chhûng bungrua siam
that tlâk tawh lote chu i paihbo vek ngei ang. Chutiang
bawk chuan Pathian pawhin a ti ve ang. A tâwpna atân
sualin a tihchhiat leh tihbawlhhlawh zawng zawng te chu
tiðha vekin i hmunah (a aiah) chuan leithar a siam dâwn
a ni.

Pathian chuan thil hrehawm tak tih tûr a nei a ni;
sualna chuan kan khawvêl hi a tichhia chauh ni lovin a
chhûnga chengte chu سوالنا hri chu a vei tîr a. سوالنا
chuan Pathian nêna kan inzawmna leh kan mihring puite
nêna kan in laichîna chu a ti chhia a. Mihringte chu
sualna chi hrang hrang, naupang tihduhdahna te, rawrala
chetna te, lepchiahna te leh thlarau natna sang tam te
chuan a bawm reng a ni. Hetitaka a mihring siamte tichhe
tu soal hi Pathian chuan engtiknâh emaw chuan a tiboral
tûr a ni. Pathian tâna tihhreaawm tak chu : Engtin nge a
ei lai mêk mihringte chu tiboral si lova chu soal hri chu a
tihboral ang? tih hi a ni. Mahse a tihdân ðhaber nia a

ngaih chu, chu sual hri zawng zawng chu ama (Krista) taksaa kai vek mai chu a ni. Chu sual natna hri chuan amah chu krawsa a tihhlum a in phal ta a. Chu mi avâng chuan:

“Kan sualte thupha kan chawi chuan, kan sualte ngaidam tûr leh kan fellohna zawng zawng tlangfai tûrin amah chu a rinawmin a fel a ni.” tiin Pathian Thu chuan min hrilh a ni. 1 Joh 1:9.

Pathian chuan sual tihdamna chu mitin tân a thlawnin a pe a, chutichung chuan vânduaithlâk takin thenkhat chuan chu tihdamna an dawng dawn lo a ni. Thenkhat chuan sual hrik chu la kai reng a, chutah chuan tihdam ngaia awm reng mai an la duh a ni. Pathian pawhin nunna kawng a siam chu tumah pawm tûrin a nawr lui baw lo vang. A tihdamna a pêk la duhlo apiangte chu, chu natna hri chuan a tiboral dawn a ni.

“Ka koh lai che u khân mi in chhan duh lohva, ka thusawi lai khân benga inhriat duh lohva, ka mithmuha thilsual chu intih zâwka, ka thil lawm loh zawng chu in thlan avângin,” (Khandaihin in chantawka khua chu ka rel sak ang che u a, inzain chaknaah chuan in kun vek ang) — **Isaia 65:12.**

Isua, Nunna Siamtu lak aţanga an mahni duhthlanna ngeia khandaih a sahchhumin, misualte chuan tih tur dang awm chhun chu kumkhuaa thih a ni tih an hre tawh ang.

6. BORALNA MAN CHU ENG NGE NI?

Pathian Thu chuan hremhmun mei chu chatuana (tawp nei lova) hremna a ni tih min hrilh lo nain, hlohva awm a râpthlâk tûr zia erawh chu min hrilh a ni.

“Lalpa Pathian hre lo mi leh kan Lalpa Isua Chanchin Ṭha awih lo mite chung a phuba lain a vântirhkoh takte nêh, mei alh zînga vâh aṅga a inlâr hunah a tihreawm tu che u chu hreawmna a thungrulh leh nangin hreawm turate hi keimahni nêna chawlhnaa rulh thung chu Pathian tân thilfel tak a ni si a. Chu mi nêh chuan a mi thianghlimte chuan chawimawia awm tûr leh, ringtu zawng zawngah te chuan (Kan thu hriattîr che u kha in ring si a) mak tih tûra a lo kal hunah chuan chung Pathian hrelo mi leh kan Lalpa Isua Chanchin Ṭha awihlo mite chuan hrem an tuar ang. Lalpa hnên ata leh a chakna ropuina aṅga chatuana boralna chu.” — 2 Thessalonika 1:6-10.

Misualte chu an lut dâwn lo a ni. Chatuana nunna an chang lo vang a, Lalpa mithmuh ata chu paih chhuahin an awm ang. Chuvâng chuan ṭah leh haṭhialna chu a awm dâwn a ni. (Mat 22:13). Pathian nêna chatuana nunna lawmawm i han chan mai tûr leh englai pawha hlimna famkim, chatuana inhmangaih tak nêh chen dunna i chan dâwn a ni tih han hriat chhuah chu ava râpthlâk dâwn em!

Krista kha khawvêl sualnain a Pa laka la hranga Krausa an khenbeh lai khân, chatuana hloh a natzia chu a hria a. Misualte chuan lei ṭhain hmun ruak an han thlîr lêt chuan, an hmaah chuan boralna chuah a awm tih an hmu dâwn a ni. Thawhlehna beiseiawm miah lovin an thi dâwn a ni. Chutih lai chuan Krista chu hmangaihna nêh a lo kala an hnar ṭhin dânte an hmu ang. A tâwpah chuan an ṭhingṭhi anga Pathian dikzia leh a hmangaihna chu an lantîr ang (Thup 15:4; Phil 2:10,11) Bible ziaktuin a kan duhthlannate chu siam tûr leh Pathian duhzâwng nung tûra min nawr hi a mak lo a ni.

“Pathian khawngaihna chu sâwtpui lova in hmuh lohna tûrin, amah thawhpuiin kan ngen chiam a che u. Hun lawmawmah ka ngaithla che a, chhandamna nâh ka tanpui che,... Ngai teh tun hi hun lawmawm chu a ni a, ngai teh tun hi chhandamna ni chu a ni.” 2 Kor 6:1,2.

“Khawvêl thiam loh chantîr tûrin Pathianin a Fa khawvêlah a tîr lo, khawvêl amah avânga an dam theihna tûrin a tîr a ni zâwk e.” Johana 3:17.

A man awm lova Isuan a tuarsakna thatpui lova hloh nih thlang zâwktu chan râpthlâkzia tluka thil hlauhawm hi ka hre chhuak zo lo. Chuvâng tak chuan heti hian Isuan a sawi reng a ni.

“Ka hrilh a che u, chutiang bawkin mi fel sawmkua leh pakua sim chuan tûr neilo te ai chuan misual pakhat sim chungah hian vâna mi an lâwm zâwk ang.” Luka 15:7.

Kan hmaa thlan tûr awm chu hai rual lohvin a Chiang a ni. Chatuana boralna, kumkhuaa Pathian hmu tawh lo tûra awm nge kan duhber petu Krista nêna chatuana inthianna. A eng chu nge i thlan zâwk? Krista nêna in awm dun theihna dân chu tunah hian chharchhuak ta che.

Kan Pa duhtak, zahngaihna te hmangaihnaate leh diknaa khat, Isuan min hmangaiha ka tân a thih avângin i chungah ka lâwm e. Kumkhuaa thihna ni lo, chhandamna leh chatuana nunna, zâwkah chuan awm zâwk tûrin tunah min tanpui rawh. Isua chu Lalte Lal, hotute Hotu nia, lallukhum a khum hunah amah faka a kebula kunte zînga tel ve tûrin min pui ang che. I chungah rinawm tûr leh i thute leh i thupêk zawnge zawnge zâwm tûrin min siam ang che. Hêngte hi Isua Krista hmingin ka dil e. Amen.

Published by: Mizo Conference of Seventh-day Adventists, Seventh-day Tlâng,
P.O. Box 97, Aizawl 796 001, Mizoram

DISCOVER - BIBLE RÂLCHHÂN